

# Cug' Mo" Dama" Mhomyid:

A story of widow and her son





# Cug' Mo" Dama" Mhomyid:

A story of widow and her son

Tung"- Laje: Dau: Nao"

Myan"- Lhaovo

Sulho- Lamyang Khao Dau:

Azhao"- (2)

Dam: Nyhang"- Zakhaung: Zau Tong:

Ba na- May, 2021

Writer: Dau: Nao" Laje:

Language: Lhaovo

Illustration: Khao Dau: Lamyang

Stage: (2)

Reviser: Zau Tong: Zakhaung:

Date: May, 2021

Lhaovo  
Myanmar

Copyright © 2021, Lhaovo Bible Translation Committee (LBTC-KBC) and NTC



<http://creativecommons.org/licenses/by-nc-sa/4.0/>


You may not use this work for commercial purposes. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.



Ganhae" vogaung: dalam: mae" yham  
dayham mae cug' mo" dashid' ma: na ko" ga".  
Yao: shid' ma: wa pe" re: maqo" majo, ko" ga".  
Yao: shid' ma: mae yothaung: dalam: za: ajo;  
ga".



Daba: ba- yauggai zo: yothaung: ye: phaug'  
na: au: cug' mo" myhi" wa yaozo: re zo yedai"  
ga". Aimung: yaozo: wa mau" zo" mae" thang  
mung: zao jad: khyo zozo: nae" ein: lo: ga".



Yaozo: wa (ngoma: pe" maqo" majo,-  
myaung yang: zoxeim: mamyho' ru ngad:) ein:  
mamyid lo: za:- yao: myhi" re (zoxeim: re:  
mamyho' ru cili" li"- Mao: zo: nao lhe"- shid:  
lo" wa,. Ngo wa mau" kad' yang: myaung"  
shid: lo" re- nao wa zoxeim: ga" re vo, zo ru"  
re za: yhaung" cili") ein: gyai lham: nhag' yo"  
ga".




Yao: myhi" wa gyai myid mapyo" ru we'  
yham khyo dam: phao: lo" ga". Yao: myhi" wa  
yao: zo: yang khoqhi" khoru: ta" ngad yang: re:  
jhid' de, nhag' khyag' ra" myid we' ba khao: ba  
ngo" yothaung: khyo zo yedai: na: ga".







Daba: ba re yaozo: wa yao: myhi" li" dai"  
byid' ra" zoxeim: re qu" mung: mamyho' ein:  
khyo" myid yang: nhag' gyai yo: nug: ru we'  
nung: keim" ra" vose: yang yao: myhi" re gyai  
lham: be; ke' ga".



Yao: myhi" phao: lo" byaug thao- yao: mau"  
dam: xo' zai: nae" manug yang: sag' gae  
dage mae yethang mung: dazab: zo: lang" jo;  
ga".



Yauggai zo: yethang: na: ra" au: sag' gae  
dage mae" sag' pan dapan mae na: ra" ngho'  
myhi" dadau: wa yaozo: jham re zo qho zho:  
mung: jhid' jhid' kug' kug' jhui" khau: na: rure  
the' myao: yu mung: (nga" myhi" re: ngo ngai  
shi" yo, re nga" dao mae ceru: yao: kad' lai: lo  
va") ein: myid mung: nhag' lam: atha" gyai qo"  
byaug: ga".



Ngho' maho' re the' myao: ra" cug' mo"  
nau" wa yao: kad' lai: lo: ra" qobo jham re  
myid: qu" mung: (aga" - ngo nga" myhi" re gyai  
lhaung" be; lo: ru wa gyai shad' vanhaung- ngo  
ana" mae" thao phyao: nga" myhi" re  
khonhae" re: mabe, lonae") ein: nhag' lam:  
atha" qo" ru we' myid phyid' pye' ga".



Thao: ba re yao: myhi" wa yaozo: re gyai  
gyaug ngad qere: jhid' de; ra" myid we' yaozo:  
zo moe' na nae" ga: sang: kho" ra" myid we'  
yothaung: khyo zo dai" dam: li" ga".



Ai: au: yaozo: wa nhag' lam: atha" qo" ru  
we' (ana" ba wa ngo nga" myhi" re yetug: yu  
nae") ein: myid mung: yao: myhi" li" na: ra"  
khyo khyo tao" ye" lo" ga".



Yao: myhi" wa yaozo: tao" li" lo: ru the'  
myao: ke' mung: (ana" ne, dam: nga" zo: ngo  
re be, nae" ga: dam: li" ava") ga: jho mung:  
gyai gyaug: ru we' nhaung thao" phaug' yang:  
tao" phao: lo" ga".

Yaozo: wa yao: myhi" jhao" cao" tao" lo"  
mung: (nga" myhi" we" - thang shila, wo" - ngo  
shad' lai: lo: ra" qobo jham re mho' yao nae"  
ein: ru angad:) ga: cao" hug' ga".

Ngad yang: re: yao: myhi" wa pe" mathe'  
gyo" byaug lo: za: gyaug myid we' thao khyo  
lhang: qu" qu" mung: tao" phao: lo" re  
yothaung: mae" qid khyo: mae lo" byid: gyo"  
shid: byaug: ga".



Airu: yao: myhi" shid: byaug thao cug' mo"  
 nau" wa gyai nhag' kaug' ru we' (nga" myhi"  
 we"- ana" nao mana re ngo yao: za: khoru: na  
 zai- ana" ngo wa cug' mo" nau" mae"- yao:  
 myhi" re: maqo" lo" ra" cug' zo: nau" dayaug  
 boe" byaug va") ein: gyi: ngug: qin" ga". Yao:  
 nhag' lam: atha" qo" yang: re: gyai thao gyo"  
 byaug va" ra".





